

POLICE PRESS STATEMENT

No. POL/PR/2016/59

Dated Aizawl, the 22nd March, 2016

Ni 22.03.2016 dar 10:30 aţang khan Mizoram Police leh Shakti Vahini ţangkawp chuan ni khat aw h training ‘Anti – Human Trafficking’ tih neih a ni a, Shakti Vahini te hi mihring hmanga sumdawna (Human Trafficking) do tu pawl (NGO) Delhi a hmunpui nei an ni, tunhma a Mizo Hmeichhia te bum a India ram khawpui lian hrang hranga hralhte chhanchhuah kawnga Mizoram Police te lo puitu pawl ţangkai tak an ni.

Training hawna-ah hian Chief Guest Pu Thianghlina Pachuau IPS, DGP, Mizoram chuan thusawiin Human Trafficking hi Mizo te hian kan hriatthiam tawk loh avangin kan lo ngaihthah ţhin niin a lang a, tunah erawh chuan kan lo ţhangharh ta a, mipuite pawh kan fimkhur zel a ţul tih thu a sawi bakah Police Officer rual te hnenah chuan heng a tuartu (victim) te hi thil tisual tu ang maia dawnsawn loh tur a ni a, tin, an nihna leh chanchin te pawh puangzar lovin nunthara an ţan theih nan lainatna nen a ţanpuitu ni turin a chah bawk a ni.

Pu Joseph Lalchhuana IPS, DIG (CID) pawhin Mizoram in Human Trafficking a lo hmachhawn ve tawh dan te sawi langin Police te pawimawhna thiam tak in a sawi bawk a ni.

He Nikhat aw h Training hawna hi Aijal Club Conference Hall-ah neih a ni a, a hawna hi Pu C. Laldina, IPS, DIG (Trg) in kaihruiin Police Officer ASI – Dy SP 50 an tel a, Shakti Vahini aţanga lokal mithiam ten an zirtir a ni.

ISSUED BY PUBLIC RELATIONS OFFICER, MIZORAM POLICE
